

BOSNA I HERCEGOVINA
*Agencija za razvoj visokog
obrazovanja i osiguranje
kvaliteta/kvalitete*
Banja Luka



БОСНА И ХЕРЦЕГОВИНА
*Агенција за развој високог
образовања и обезбјеђивање
квалитета*
Бања Лука

Agency for Development of Higher Education and Quality Assurance

**Saopštenje sa 15. sjednice Upravnog odbora Agencije za razvoj visokog
obrazovanja i osiguranje kvalitete**

održane 30.01.2012. godine u Banjaluci

Petnaesta sjednica Upravnog odbora Agencije za razvoj visokog obrazovanja i osiguranje kvalitete održana je 30. januara 2012. godine u Banjaluci.

Na sjednici kojom je predsjedavao predsjednik prof. dr Mišo Kulić, Upravni odbor Agencije dao je saglasnost na Preporuke o kriterijima i standardima za osnivanje i zatvaranje visokoškolskih ustanova, te za prestrukturiranje studijskih programa i Preporuke o kriterijima za licenciranje visokoškolskih ustanova i studijskih programa u Bosni i Hercegovini.

Svrha preporuka o kriterijima i standardima za osnivanje i zatvaranje visokoškolskih ustanova, te za prestrukturiranje studijskih programa jeste da posluže nadležnom ministarstvu Republike Srpske, kantonalnim ministarstvima i Brčko distriktu Bosne i Hercegovine prilikom definisanja predmetnih kriterija i standarda s ciljem izgradnje kvalitetnog visokog obrazovanja u Bosni i Hercegovini. Dokumentom su date preporuke o kriterijima i standardima za opravdanost osnivanja visokoškolske ustanove, zatvaranja, te za prestrukturiranje studijskog programa.

Drugim dokumentom definisani su minimalni kriteriji za licenciranje visokoškolskih ustanova i studijskih programa u Bosni i Hercegovini, a koji će poslužiti kao osnova nadležnim obrazovnim organima da svojim aktima odrede kriterijume za licenciranje visokoškolskih ustanova i studijskih programa. Data je preporuka da nadležni obrazovni organi propišu minimalne kvantitativne kriterije za ljudske, prostorne i materijalno-tehničke resurse, te studijske programe.

Upravni odbor usvojio je dopunjeni Izvještaj o radu Upravnog odbora za 2010.godinu, te zadužio Agenciju da za narednu sjednicu pripremi prijedlog finansijskog okvira akreditacije.